

Fastanefndir, aðrar nefndir, stjórnir og ráð sem sveitarfélagið á aðild að.

A. Sveitarstjórn kýs í eftirtaldar nefndir, ráð og stjórnir:

1. **Kjörstjórn við sveitarstjórnar- og alþingiskosningar.** Kjósa skal þrjá aðalmenn og jafnmarga til vara skv. 14. gr. laga um kosningar til sveitarstjórna nr. 5/1998 og skv. 10. gr. laga um kosningar til Alþingis nr. 24/2000. Sveitarstjórn skipar formann nefndarinnar. Kjörstjórnir fara með þau verkefni sem þeim eru falin samkvæmt ákvæðum laga um kosningar til sveitarstjórna og laga um kosningar til Alþingis.
2. **Skólanefnd.** Fimm aðalmenn og jafnmarga til vara skv. 6. gr. laga um grunnskóla nr. 91/2008 og 4. gr. laga um leikskóla nr. 90/2008.
3. **Afréttarnefnd Gnúpverjaafreftar.** Þrír aðalmenn og jafnmargir til vara. Nefndin fer með stjórn fjallskilamála í fjallskiladeild Skeiða- og Gnúpverjahrepps í umboði sveitarstjórnar, sbr. ákvæði laga um afréttarmálefni, fjallskil o.fl. nr. 6/1986 og fjallskilareglugerð og önnur landbúnaðarmál.
4. **Umhverfisnefnd.** Sveitarstjórn kýs þrjá aðalmenn og jafnmarga til vara. Nefndin fjallar um og gerir tillögur til sveitarstjórnar um umhverfismál. Þá fer nefndin jafnframt með málefni gróðurverndar skv. 19. gr. laga um landgræðslu nr. 17/1965 og hlutverk náttúruverndarnefndar skv. 14. gr. laga um náttúruvernd nr. 60/2013.
5. **Húsnæðisnefnd.** Sveitarstjórn fer með verkefni húsnæðisnefndar skv. 6. gr. laga um húsnæðismál nr. 44/1998.
6. **Bókasafnsnefnd** Sveitarstjórn fer með verkefni bókasafnsnefndar. Sbr. Lög nr. 150/2012.
7. **Umferðarnefnd.** Sveitarstjórn fer með verkefni umferðarnefndar, sbr. heimild í 2. mgr. 116. gr. umferðarlaga nr. 50/1987.
8. **Menningar- og æskulýðsnefnd.** Sveitarstjórn kýs þrjá aðalmenn og þrjá til vara. Nefndin fjallar um og gerir tillögur til sveitarstjórnar um menningarmál í Skeiða- og Gnúpverjahreppi. Þá kemur nefndin að skipulagningu á viðburðum í Skeiða- og Gnúpverjahreppi.
9. **Velferðar- og jafnréttisnefnd.** Nefndin er skipuð af sveitarstjórn Skeiða- og Gnúpverjahrepps. Kosnir skulu fimm aðalmenn og fimm til vara og er nefndinni ætlað að vinna að velferðar- og jafnréttismálum í sveitarfélaginu.
10. **Atvinnu- og samgöngunefnd.** Þrír aðalmenn og þrír til vara kjörnir af sveitarstjórn. Nefndinni er ætlað að vinna að atvinnu- og samgöngumálum í Skeiða- og Gnúpverjahreppi og er hún ráðgefandi nefnd sem gerir tillögur til sveitarstjórnar.

B. Stjórnir og samstarfsnefndir.

1. **Yfirstjórn sameiginlegrar félagsþjónustu og velferðarnefnd Árneshöfna.** Sveitarstjórn Skeiða- og Gnúpverjahrepps kýs einn fulltrúa til setu í yfirstjórn sameiginlegrar félagsþjónustu sjö sveitarfélaga í Árneshöfna (NOS), samkvæmt samningi þar að lútandi. Fulltrúi Skeiða- og Gnúpverjahrepps í yfirstjórn (NOS) hefur umboð til að taka þátt í skipun tveggja fulltrúa af starfssvæði sveitarfélaganna í

uppsveitum Árnessýslu og Flóahreppi í fimm manna sameiginlega velferðarnefnd á starfssvæði félagsþjónustu sveitarfélaganna í samræmi við ákvæði samstarfssamnings og á grundvelli 2. mgr. 7. gr. laga nr. 40/1991, um félagsþjónustu sveitarfélaga. Félagþjónustusvæðið heitir Velferðarþjónusta Árnesþings og nefndin velferðarnefnd Árnesþings. Fulltrúar í velferðarnefnd Árnesþings eru fimm auk jafnmargra varamanna og koma þrír af starfssvæði Sveitarfélagsins Ölfuss og Hveragerðisbæjar og tveir af starfssvæði sveitarfélaga í uppsveitum Árnessýslu og Flóahrepps.

Velferðarnefnd Árnesþings fer með stjórn félagsþjónustu sveitarfélagsins skv. lögum um félagsþjónustu sveitarfélaga nr. 40/1991, málefni aldraðra skv. lögum nr. 125/1999 og málefni fatlaðra skv. lögum nr. 59/1992. Þá skipar nefndin fulltrúa í þjónustuhóp um málefni aldraðra skv. 7. gr. laga nr. 125/1999 sem verður fulltrúi allra sveitarfélaganna sem að nefndinni standa. Nefndin fer með jafnréttismál skv. lögum um jafnan rétt og jafna stöðu karla og kvenna nr. 10/2008, áfengisvarnir skv. lögum nr. 75/1998 og barnaverndarmál skv. barnaverndarlögum nr. 80/2002. Nefndin fer með önnur málefni skv. erindisbréfi sem henni er sett.

2. **Sameiginlegt þjónustusvæði Suðurlands um þjónustu við fatlaða.** Þrettán sveitarfélög á Suðurlandi mynda sameiginlegt þjónustusvæði á Suðurlandi um þjónustu við fatlaða í samræmi við lög nr. 59/1992 um málefni fatlaðs fólks, sem starfar skv. sérstöku samkomulagi. Stjórn þjónustusvæðisins er skipuð þremur fulltrúum, þ.e. einum frá hverju félagsþjónustusvæði. Yfirstjórn sameiginlegrar félagsþjónustu (NOS) skipar einn fulltrúa í stjórn þjónustusvæðisins. Framkvæmd þjónustusamningsins er í höndum þriggja manna þjónusturáðs og skipar NOS einn fulltrúa í þjónusturáðið sem skal vera félagsmálastjóri Velferðarþjónustu Árnesþings.
3. **Skipulagsnefnd uppsveita.** Ásahreppur, Bláskógabyggð, Flóahreppur, Grímsnes- og Grafningshreppur, Hrunamannahreppur og Skeiða- og Gnúpverjahreppur skipa sameiginlega sex manna skipulagsnefnd uppsveita skv. sérstökum samningi þar að lútandi. Skeiða- og Gnúpverjahreppur skipar einn aðalmann og annan til vara í nefndina. Nefndin fer með skipulagsmál skv. 6. gr. skipulagslaga nr. 123/2010 og byggingarmál skv. 7. gr. laga um mannvirki nr. 160/2010.
4. **Umhverfis- og tæknisvið.** Umhverfis- og tæknisvið Uppsveita er byggðasamlag sveitarfélaganna Grímsnes- og Grafningshrepps, Bláskógabyggðar, Hrunamannahrepps, Skeiða- og Gnúpverjahrepps, Flóahrepps og Ásahrepps sem hefur það hlutverk að annast lögbundin verkefni byggingarfulltrúa og skipulagsfulltrúa auk verkefna sem varða umhverfis- og tæknimál. Aðildarsveitarfélögin skipa skipa sameiginlega sex manna stjórn skv. Sérstökum samningi þar að lútandi. Skeiða- og Gnúpverjahreppur skipa einn fulltrúa í stjórnina og einn til vara.
5. **Skipulagsfulltrúi uppsveita bs.** Byggðarsamlag Ásahrepps, Bláskógabyggðar, Flóahrepps, Grímsnes- og Grafningshrepps, Hrunamannahrepps og Skeiða- og Gnúpverjahrepps fara með stjórn embættis skipulagsfulltrúa uppsveita bs. skv. sérstökum samningi. Skeiða- og Gnúpverjahreppur skipar einn aðalmann og annan til vara í stjórnina. Framsals- og valdheimildir til skipulagsnefndar uppsveita og skipulags- og byggingarfulltrúa byggðasamlagsins fara eftir ákvæðum samnings og samþykktu fyrir skipulagsfulltrúa uppsveita bs.

